


虛
臆
雅
課

初
集



我

朝文治光昌涵濡百有餘年之久

上之喜起賡歌揚休廊廟下之江山風月

流韻騷壇以至鏤戶香闈紅牋錦字莫
不摘麗藻而播新聲惟

睿恪親王太福晉系隆貴胄位重天潢

哈佛大學漢和
圖書館藏印

詩禮家傳淵源有素偶因感發輒
寓謳吟而忠孝節義之概時露於楮
墨行間則又其德性之陶淵者深也
承以虛窓雅課見示焚香盥誦覺自
然樸秀之中具垂楷範非徒以謝絮
才高蘇機思巧付之寒梨足堪不朽

緣叨葭末漫擬教言以誌佩服之私
衷云爾

姻愚姪慶桂頓首謹叙

--	--	--	--	--

虛窻雅課初集

和碩睿恪親王福晉佟佳氏著

偶述

二首

回頭苦海感閻浮世諦空華擬便休愁緒新添
千尺壘歡場已破廿年漚多情自屬三生障大
義寧忘一死酬寄語重泉應待我此身肯爲利
名留

其二

失意看春也似秋閒思往事水東流中年哀樂
相循至半世文章只助愁猶自忝顏延歲月聊
憑小句寫煩憂從今不擬爲天問身世虛如不
繫舟

述懷

素妝倦理淚痕新靜對黃花冷夕曛爲問知音
知得否半思父母半思君

其二

花箋懶寫斷腸吟
鳳折鸞離惹恨深
惟有盈盈寒夜月
隔窗偏照苦人心

其三

瑟瑟西風睡起遲
曉鐘敲斷默無詞
夢中無限慇懃語
欲寫難成費我思

其四

楓林霜後雜青黃
極目蕭條倍慘傷
寒菊也知人意懶
慢開金蕊過重陽

枕上聽雨

枕上聽殘雨
孤燈倍黯然
風華原是幻
景物迥非前
已悟空中色
難尋夢裏緣
愁中無限事
總付淚涓涓

秋日偶成

梧桐葉落氣蕭森
逝水光陰感更深
九日黃花空寄興
中秋明月未知心
休將昔日談今日
自
此聯吟苦獨吟欲
向靜中叅妙相
楞嚴十弓費
推尋

自歎

人生誰不惜餘生
我惜餘生忍負盟
半載艱辛誰與訴
千行興慶但虛榮
孤飛影瘦真如鶴
愁

緒心攻果似城轉眼中秋佳節至起眠無那淚
盈盈

述懷

寂寞空閨漸解禪鏡花水月憶前緣四恩接引
非無地三乘菩提好自詮未報劬勞生有恨踐
盟結髮死應先皈依欲向慈雲拜誰渡迷津覺
路船

偶成

長夜偏無寐孤燈暗復明
雲欺寒月淡竹弄細風生
腸斷愁難斷潮平意未平
惟餘千點淚欹枕若爲情

述懷

湘簾高控對青山明月穿窗印
素紈沙畔閒鷗隨水泛林間野鶴翥
雲寬愁看天畔銀河淡坐

到花間玉漏殘此際情懷清不寐仙心縹緲欲
驂鸞

有感

夢回窻月上欹枕數殘更寂靜燈垂焰淒涼淚
暗生無眠冰雪淨有鑑玉壺清悟後身心淡非
關強制情

其二

最是銷魂處鐘敲五夜心雞鳴寒月落衾薄晚
涼侵嚼蠟知滋味茹荼畏苦吟綱常多少事巾
幘一肩任

涼月

皎皎金波徹夜明閒庭梅放月三更光涵今古
山河影世閱盈虧苦樂情涼露洗來侵袂冷斷
雲收盡逼人清支頤坐久渾忘倦幾度敲詩字

不成

述懷

寒逼孤幃更漏長
芸編倦啟獨徬徨
窻虛蠹蝨殼
迴文影爐燼
龍涎萬字香
燈欲淚時人拂淚
月生涼處意俱涼
曲欄十二今重倚
風景依然默

斷腸

有感

春仲促花天思君倍慘然鳥喧驚午夢柳懶弄
三眠觸景悲今日關情憶昔年惟餘兩眼淚愁
對夕陽前

檢律知寒食中心如亂絲春愁飛夜雨淚眼嫉
花枝露冷侵心冷情癡和夢癡崢嶸吾志氣其
奈命參差

清明有感

清明節近痛生辰徹夜銀缸伴此身
淚眼已乾腸復斷死灰俱燼泡非真
海填精衛愁難畢塚並鴛鴦志可伸
一自知音人去後兩年誰說有芳春

謁瑩

測測春寒拂柳枝素車白馬路偏遲
一杯淨土愁雲外四野荒林夜月時
試想今生難再會每

逢佳節輒如癡
堂前膝下雙悽切
爲問泉台知
不知

病中有感

遊戲浮生四九春
回頭彼岸了前因
艱難尙欲
存先業辛苦猶當勉
後人悔過纔知微
補過忘
身豈復惜羸身
邇來頗擬尋君去
泉路相逢欸
語真

有感

世間榮辱總經過從此工夫細琢磨冷淡場中
尋意味筠霜松雪憶岩阿

正襟危坐幾迴腸叅透人間富貴場除却定中
三昧趣不知極樂是何方

楞伽心印入枯禪不但長齋繡佛前好俟靈崖
輕撒手散花兜率證前緣

離情不奈久艱辛
借得枯禪解宿因
已礪此心
堅似鐵梅花
是我意中人

孤雲無意託遙天
若個皮囊住百年
夢醒大千
空世界一香一茗
定中禪

塵封兩鬢頰常紅
何物情懷奈此衷
素面近來
無喜怒都緣法界
在胸中

聚散人生傀儡場
去時各自有家鄉
笑他形影

無知甚敢向心神論短長

七夕

自從永訣兩經秋
懶向今宵看女牛
天上生離歡有日
人間死別會無由
風前蠟淚兼人淚
空外雲愁更雨愁
那得黃泉比銀漢
斷腸默默向鍼樓

秋夜

秋夜連綿雨聲聲動我愁思深因別苦夢屢是
情稠夜淨心偏亂鐘殘恨未休燈寒人寂寂倚
枕數更籌

有感

典籍全拋執筆難年來贏得病傷肝情從歇絕
情偏重死得團圓死覺歡夜靜寒梅開小閣夢
回涼月沁空欄支頤滿腹多愁緒弱影臨風不

忍看

重陽

瑟瑟西風報晚秋
黃花滿徑淚凝眸
向時嘉會
瑟瑟西風報晚秋
黃花滿徑淚凝眸
向時嘉會
人安在
今日孤燈我獨愁
處世惟餘春夢尾
離情偏結五更頭
此生欲死難輕得
身外繁華何必求

三忌日有感

忝居人世總凄然
隱恨何能達九泉
鬱鬱情懷三忌日
哀哀生死四經年
衣衫欲剪心先亂
刺繡親成淚欲漣
路隔陰陽無可寄
君如有鑒自相憐

除夕

今歲今朝盡
明年明日來
浮生真迅速
往事總嗟哀
意共梅花冷
心同柏子灰
思君何所遣
搵

淚句難裁

詠松子數珠

珍珠百八未云工
懷袖親攜六歲中
誦佛有時隨指屈
哦詩負手與渠同
光猶赤玉光尤潤
色比塗硃色更紅
寄語後生須鑒此
功深何事不成功

紙鳶

借得兒童一線緣
春風遊遍綠楊天
影橫落照疑爲鴈
聲徹行雲宛若絃
小技欺人人戲弄
乘時作態態翩翩
年來滿腹牢騷事
欲訴蒼穹倩爾傳

哭姑 四首

曾說茹荼苦我姑
苦獨真半生端節志
一世總

眉顰守子翻哭子
思親未見親

吾姑三歲父
亡五歲母歿
臨

終無一語痰結恨難伸

其二

年來方寸已成灰姑氏而今又夜台舊淚未乾
新淚續苦心已碎痛心摧廿年訓語垂慈愛半
世深恩視女孩地下若逢兒聚首定憐孀婦夢
魂哀

其三

永絕慈親春已秋盈盈血淚總疑眸事繁家計
誰堪惜氣值狂奴誰與謀對鏡支持憐瘦影問
天漠漠恨難收此詩莫作尋常看一字吟成一
字愁

其四

最愛黃花懶插頭湘簾曾不上金鈎思親更比
思夫切雨打閒堦滴滴愁

送四妹出京

不忍相看話別行
欲言執手淚先傾
家鄉風味心應念
山水吟懷氣和平
敬戒須遵父訓語
寬容休負母儀名
鱗鴻若肯時常寄
慰我同胞姊妹情

偶檢舊函有感

坐銷蘭晝果如年
檢點遺函淚欲漣
萬里平安

當日字半生惆悵夢中緣
關情語在人安在腸
斷誰憐我自憐
織錦迴文心繚繞
可能將得到
黃泉

對菊有感

靜對膽瓶菊無端
意慘然寒香能耐冷
素蕊詎爭妍
簪鬢今無分
拈枝昔共憐
人如花影瘦
題句報黃泉

看經偶成

盡日愁千縷看經制性情心安除妄念意靜任
浮名榮辱身俱澹涵容氣漸平詩書嚴課子以
此度餘生

送秋

世人多喜春惟恐春光速余性與人殊酷愛清
秋獨傲骨挺霜英丹楓映修竹月倍清且明穿

窗入我屋四壁聽蟲吟挑燈課兒讀拙哉留春
人可能駐紅綠試倡送秋篇悲歌笑永叔

述懷

月明更漏徹長夜病中身轉輾不能寐熹微漸
向晨心灰猶未燼命蹇或前因遣興惟詩草逃
儒卽佛隣逢迎非素志俯仰愧依人精衛愁填
海揆桑欲繫春重泉音問杳衷曲阿誰伸反羨

長眠者超凡出世塵

偶句

悵望西風抱悶思
蓼紅葦白斷腸詩
荒疎舊圃從新葺
搜索枯腸較昔遲
行斷更飛孤鴈苦
聲停還續晚砧悲
誰憐我爲秋來病
獨把茱萸感

歲時

思父

回憶深閨嬌小時此身都累父憂思承歡未有
晨葩養灑泣徒成風樹悲伯道無男誰復信曹
娥有碣愧難期哀哀頻向蒼天告愿與來生復
作兒

見子課句喜而賦此

見汝課詩句吾心少覺寬文思新近境武備已
堪觀須繼先人志當知母教難慇懃期努力篤

學是承歡

見子長成喜而勉之

明歲已成童須知孝與忠詩書陶冶細騎射熟
嫻功責已心休暗容人量必洪謙光兼謹慎勉
守世遺風

對菊

節物近重陽風光應接忙一林楓樹老三徑菊

花黃寒影添愁劇孤吟寫恨長年來心意懶強
整舊羅裳

靜對黃花坐吟哦興欲狂參差燈弄影深淺座
分香佳色仍含露孤根獨冒霜誰言花事了耐
久勝春芳

和梅軒原韻

誰道芬芳不再來東籬好景又相催花神有意

屋簷雅言不集
三
迎詩興不待重陽放菊開

述懷

死別如泡影三生盡一生歡腸難再憶佛地證
前盟夢破方知夢情癡始見情緜山人去後消
息渺層城

詠桂

爛熳三秋景誰傾八月觴雲裁千葉綠粟散萬

花黃不比人間種分來月裏香
慚予閨閣筆無分折枝芳

詠水僊

依約凌波步僊姿出自然醞香寒更潔
紉佩翠逾妍入夢蘭香憶知音萼綠憐
洛神誰作賦對此欲逃禪

余連年苦患肝脾之症兒女輩深以爲憂

詩以廣之

當年別汝父是我種愁時
勉力持家計苦心督
課兒炎涼久不問生死
淡淡何悲我命由天命
庸醫何必醫

見梅軒詩中有詩不成兮
夢不成余酷愛此句故信
筆書此四絕

詩不成兮夢不成寒窗倚
枕度長更少時樂事

消除盡逝水年華負此生

瓶梅對坐一更更詩不成兮夢不成悟徹色空
空色相南華開卷自分明

萬木號風寒欲裂捲簾遙望梅堆雪詩不成兮
夢不成迴腸九曲如絲結

孝未能行烈未行慚余深背母儀名傷心追憶
當年事詩不成兮夢不成

自述歌

癸酉之歲余十七兩姓相歡結琴瑟父命之曰
遵敬戒母命之曰宜家室君本英資百行純愧
我四德慚多闕齊眉舉案效梁鴻如友如賓雅
化風承歡膝下樂融融誰知世態有迎逢甲戌
十八君仕朝雞鳴戒旦負春宵春宵花柳增嬌
媚馬背年年值此朝從此驅馳無閒暇

君恩稠疊翻驚訝金章紫綬倍加身
司馬兵符親信臣
桓圭入侍

君王側馬足車塵不可論
壬午晉封分列土從今顯耀
光門戶上感

君恩與祖功下慰慈親廿年苦崇堦
五級步青雲保泰
持盈帶書紳不近笙歌與絲竹
性厭繁華喜素
樸炎涼世態不關心
安富尊榮樂且足誰知福

盡禍旋生霹靂掀天惡夢驚歲屆庚寅三十四
君染微疴是聚積庸醫不效奈如何割股無靈
竟不起此際傷心輾轉難恨無妙計可回天身
心久已同灰燼生不相安死到安君知病入膏
肓絡含淚殷殷語錯謬兒承祭祀母衰年付汝
艱辛休負託一聞此語魄魂驚宛轉哀思志不
成慟到情真難作語此身何惜爲君生天乎天

乎真永訣不願同生願同穴
母啼兒哭不忍聞
捫心一慟甦復絕
盡日無言血淚流
他生未卜
此生休重歸
朱邱渾無路
欲見君兮惟塚樹
哀
哀生死見無期
目視荒林意似痴
榮辱不堪回
首處可憐身
厯是蛾眉舊
邱重歸景蕭索
可歎
人情似紙薄
消磨歲月暫隨緣
清白遺風無愧
怍
浮雲已破廿年權
幻夢應知覺
後先身似春

蠶絲未盡寒燈挑盡不成眠靜院無人竹影重
遲遲更漏滴壺銅縱知夢境幻中幻隱恨惟餘
訴於夢心似死灰身似木任他水盡山窮處爲
感君恩移箚言故教嘔血方成墓晨夕慙懃志
不倦相視慈帷意眷戀君歸何處背慈親孺慕
分明夢裏見嗟乎嗟乎欲問天情知苦海果難
填癸巳三月十三日母病倉卒竟不治呼天愴

地兩無靈真耶夢耶將吾棄手扶弱體淚紛紛
痛母思君五內焚廿二年來恩罔極此生無計
報慈親寸斷柔腸撥不開夫服未除母服來家
徒四壁縈懷慮方寸千回與萬回值此石人亦
生感抱恨終天情最慘哀哀父母枉劬勞養生
送死俱從儉自別親容兩渺茫含悲鎮日獨徬
徨依依膝下恩愛歇歲月愁中果更長自此身

心茫無主思親翻較思夫苦丸熊劃荻課孤兒
忍淚慈嚴勉力輔乙未之歲兒十五娶媳閨閤
名門女

恩綸入侍在

乾清盡職慤勤切切語果然否極泰來真

聖主洪恩及小臣爵至親藩居第一百年勲業一時新
殷殷執手囑兒言休負

君恩與母恩謹守謙和須敬慎莫持安富與崇尊家門
重整姓名揚

國史名垂萬古芳泉下有知應亦喜祖功重覆子封
王十年苦辛愧成名教子持家未敢輕數載愁
城今已破此番誌喜意崢嶸受夫受子兩榮封
佳婦佳兒膝下奉一家和氣致祥多熙熙皞皞
樂雅頌年來無事勉爲歌自笑無文語句多不

是閨中間弄筆聊將心事記吟哦



